

Хаёлдан ўтувчи ўй-фикрлар масъулияти

15:00 / 24.03.2017 3214

Абу Ҳурайра розияллоҳу анҳу Расулуллоҳ соллаллоҳу алайҳи ва салламдан ривоят қиласиди: “Аллоҳ умматимнинг хаёлларидан ўтган нарсаларни, агаруни гапирмасалар ёки унга (таяниб) иштутмасалар, кечириб юборади” (Бухорий, Муслим, Абу Довуд, Насоий, Ибн Можа, Аҳмад, Ибн Хузайма, Ибн Ҳиббон, Байҳақий ва Абу Яъло ривояти).

Аллоҳ таоло Ислом умматига Ўз раҳмат эшикларини кенг очиб қўйган. Бунга мисол сифатида мусулмонларни хаёлларига келган баъзи нарсалар ёки узр сабабидан содир этилган хатолар учун гуноҳкор санамаслигини келтириш мумкин. Жумладан, мусулмон бандадан унутиш, хато қилиш, мажбурланган ҳолда қилинган гуноҳлар кечирилади. Ушбу ривоятда банда қалбига келган тасодифий ўй-хаёллар ҳам Аллоҳ тарафидан мағфират қилиниши, агар улар тилга чиқарилмаса ёки ўша хаёлларга асосан бирон иш қилинмаса, бу нарсалар бандага зарар қилмаслиги айтилмоқда.

Инсон боласи борки, унинг хаёлига турли фикрлар келиши, қалбидан турфа ўй-хаёллар ўтиши мумкин. Табиийки, бу хаёлларнинг ҳаммаси ҳам яхши бўлавермайди. Уларнинг баъзиси яхши, баъзиси ёмон бўлади. Хўш, кўнгилга келган ёмон хаёлларучун банда гуноҳкор бўладими? Ушбу ҳадисдан мана шу каби саволларга жавоб олиш мумкин.

Ривоят мазмунига кўра, қалбга беихтиёр келган ёмон ўй-фикрлар учун одам гуноҳкор бўлмайди. Фақат бунинг иккита шарти бор: киши ўша хаёлларни тилига чиқармаслиги, ўзгаларга достон қилмаслиги, балки тилини тийиб юриши ва ўша асоссиз фикр-хаёлларга суюнишиб қилмаслиги лозим. Акс ҳолда банда гуноҳкор бўлади. Бундан келиб чиқадики, инсон хаёлига келган ёмон ўйларни тезда унутиши ёки унга асосан бирон иш қилмаслиги талаб этилади. Зоро инсон хаёлига нималар келмайди, дейсиз. Аксар ҳолда шайтон васвасаси таъсирида ёмон ўйлар чулғаб олади одам қалбини. Банда бундай нарсаларни хаёлидан қувиб чиқаришга ҳаракат қилиши керак.

Кунларнинг бирида сахобалар Пайғамбаримиз соллаллоҳу алайҳи ва салламдан: “Бизнинг хаёлимизга шундай фикрлар келадики, уларни

гапиришдан құрқамиз. (Бундай ҳолатда нима қилиш керак)?" деб сұрашди. Шунда Расулуллоқ соллаллоху алайҳи ва саллам: "Шу нарса сизларда ҳақиқатан ҳам пайдо бўладими?" деб сўрадилар. Улар: "Ҳа", дейишиди. Набий соллаллоху алайҳи ва саллам: "Бу (яъни, ўша ҳолатга тушишларингиз) очиқ имондир", дедилар.

Яъни, инсон қалбига келган ёмон фикрларни тилига чиқаришдан қўрқиши, уни айтишга уялиши, уни яшириши, бундай хаёлларни кўнглидан чиқариб ташлашга ҳаракат қилиши ҳақиқий имон аломати экан.

Банда қалбига бирон маъсият иш келганда, уч хил ҳолат кузатилади:

1. Банда ўша гуноҳ ишни қалби билан тасдиқлаб, уни қилса, гуноҳкор бўлади;
2. Маъсиятни қалби билан инкор қилса, бандага гуноҳ ёзилмайди;
3. Қалбига келган гуноҳ ишни Аллоҳ розилиги учун тарк қилса, савоб олади.

Агар инсон қалбини пок тутиб, яхши ишлар қилишни дилига тугиб юрадиган бўлса, бу эзгу нияти учун ҳам савоб олади. Расулуллоҳ соллаллоху алайҳи ва салламдан ривоят қилинишича, Аллоҳ азза ва жалла фаришталариға: "Агар бандам бир ёмон ишни қилишга ният қилса, унга ёмонликни ёзманглар. Агар ўша ишни қилса, у ҳолда битта ёмонлик ёзинглар. Агар бандам бир яхши иш қилишни ният қилса, уни бир яхшилик, деб ёзиб қўйинглар. Агар у ишни амалга ошиrsa, у ҳолда ўша яхшиликни ўнта қилиб ёзинглар", деган.(Муслим ривояти).

Расулуллоҳ соллаллоху алайҳи ва саллам бандага хаёлига ёмон фикрлар келганида "таъаввуз" айтишга, Аллоҳдан ёрдам сўрашга ва бемаъни хаёлларни бас қилишга буюрганлар.

Қалбга келадиган ёмон фикрларнинг энг хавфлиси ҳасаддир. Ҳасад бирорга берилган неъматларнинг завол топиб, уни ўзига ўтишини хоҳлашдир. Ҳасад кишини адоватга, ғаразгўйликка олиб боради. Қалбга ҳасад иллати чанг солганда уни қувиб чиқариш талаб этилади. Шундай қилинса, бандага гуноҳкор бўлмайди. Акс ҳолда ҳасад орқасидан бирорлар зиёнига иш қилиш, ўзгаларга зулм етказиш билан бандага қаттиқ гуноҳга ботади.

Баъзилар хаёлига келган далил-исботсиз, бирон ҳужжатсиз тахминларга асосан, чуқур ўйламай оғзига келганини гапириб юбораверади ёки ҳеч кимга маслаҳат солмай туриб, ўз билгандарича иш тутиб, ўзларини ақлли санайди. Оқибатда пухта ўйланмай гапирилган гап ёки яхши пишмаган режа асосида иш тутгандари учун минг пушаймон чекадилар. Ҳаётда бундайларни кўп учратамиз. Бизлар бу ҳадисга амал қиласиган бўлсак, шундай кўнгилсиз ҳолатлардан узоқ бўламиз ва инсонлар ўртасидаги аҳиллик-тотувликни мустаҳкамланишига ўз ҳиссамизни қўшган бўламиз.

Одилхон Исмоилов